

1922.12  
42  
16

秦興縣續志

補下



泰興縣志補卷五上

人物志第五之一

選舉表

宋薦辟二人

嚴起保義郎閣門祇候繫年要錄

蔡濟承信郎康熙志選舉表

按宋史儒林程迥傳有訓武郎楊大烈是否由薦辟無  
可徵考

元薦辟二人

蔡濟泰興尹秦州監使草莽私乘虞集蔡孝子詩序

泰興縣志補卷五上

蔡宗彝仕至總管

張氏家乘宋極蔡宜人墓志按此疑與蔡夢祥為一人說詳縣志校篇

清科貢表

歲貢一人

康熙五十七年戊戌戴樹蘭

訓導以下徵訪稿按縣志以樹蘭為例貢附入存疑

訪稿稱其後人陳請改正其他類此者尚多不備例

勲階表

應例一人

乾隆朝吳岡

湖州吏目武生

武選表

材勇五人



嘉慶朝徐兆字榮兆 營十總

道光朝黃越字襟三 衛十總 武生 錢模字楷堂 衛十總 武生 錢承璐字秀水 衛十總 武生

咸豐朝黃家珣字美東 守禦所十總

附錄

清人瑞一人

徐日榮年百歲按縣志於人瑞壽婦皆附見建置志名蹟篇恩例坊下今移入後壽婦故此

宋元明人列傳

縣志原有者十八人

元蔡濟本徽州人父昊受宋命為揚州路總管按此非宋官名譜必

有誤當元兵之衝要為浙福之藩籬有功封永寧侯濟始遷

泰興縣志補卷五上

居泰興蔡氏族譜咸涓中原作咸 照誤有司委鎮馬馱沙以破海寇

功授承信郎萬麻志 舉表注元兵渡江率泰興江陰之民迎河

南張宏綱軍即武定公軍說 詳縣志技篇後有戰功歷官泰興尹泰州

監使草莽私乘 元虞集蔡孝子詩序 元文類

蔡夢祥濟子以宣命為河南投下管民總管性至孝父歿

廬墓三年刻木象事之母歿亦然郡縣驚異有司上其事

朝廷再表其門曰蔡孝子之門草莽私乘 元虞集蔡孝子詩序 元文類

明李儼字民瞻舉元至正四年鄉試洪武元年選充通贊

官遷寶應衛知事轉都督府都事原作斷 事誤論輔治三計擢

刑部侍郎精勤通敏詳於推讞宣諭陝西還進本部尚書

後官終陝西行中書省參知政事明一統志儼本當塗人

娶泰興朱氏生子三珪璽琳既卒官珪等自陝以骨櫬歸

依舊氏而葬於姜溪之原李氏族譜

朱觀字德顯縣志避明初以才行舉薦為臨江守時陳友

諒據南昌旁郡騷動觀力撫綏之江陰縣志

翟善字敬夫洪武中由歲貢入國子監授吏部文選司主

事二十六年歷本司員外郎會尚書詹徽侍郎傅友文誅

命善署部事善於職稱帝旨特陞吏部侍郎仍署尚書事

過度訓本朝分省人物考善始做唐六典自五府六部都察院

以下諸司設官分職之制編集為書曰諸司職掌詔刻行

泰興縣志補卷五上

頒布中外本朝分省人物考五月定吏役考滿給由法以

為司衛府縣首領十月詔祭酒胡季安選監生年三十以

上能文章者三百四十人命善除授州縣官及學正教諭

二十八年實授吏部尚書善明於經術奏對合帝意帝曰

善朕之良佐何患天下不治者帝欲命工部為善營第於

鄉善曰江鄉地隘宗親且眾誠不忍奪人自益況未報涓

埃何敢當此上語羣臣曰有官居鼎鼎無地起樓臺善與

寇準同風矣本朝分省人物考坐法當刑父為陳乞降宣化知

縣以終明史稿按張謇所撰善裔孫伯恒墓表云

茅大茅名誦以字行明史為人敦大和雅不諂不亢博學

哉

能詩文名山藏臣林外負奇氣謁孟廟詩有千古難忘義

利闖之句父友嘉興陳堯道以詩贈之頗極推許鄭曉如

蓋所云計爾生年今二十每懷聰慧舊無如陸機此日能

為賦賈誼何年復獻書者也本朝分省人物考曹洪武

中為淮南學官召對稱旨擢秦府長史制詞以董仲舒為

言本朝分省人物考大芳益奮激懼無以稱主知諫諍彌綸得

大臣體未踰年秦國稱治因大書其堂曰希董以彰帝訓

且著其志其於正誼明道之言深有得焉方孝孺遜志齋

本朝分省人物考建文初遷副都御史成祖即位生姦黨不

屈與其子順童道壽皆死永樂四年幼子文生亦坐誅二

泰興縣志補卷五

孫添孫歸孫斃獄中名山藏吾學編朱國棟遜國目

妻張没入教坊死屠叔方建文朝野彙編引教坊錄朱

後贈左都御史謚忠愍正德末祀於縣吾學編遜

張政字公中宋孝子本真五世孫正統間歲凶政出粟一

千一百石振飢詔旌其門勞以羊酒免差徭三年政嘗在

途拾得布袱一內有銀錢松江三梭布乃醉人所遺也立

馬道旁俟之少頃其人哭泣而來問之對無差遂還之去

張氏家乘王溱張公中處士墓志銘

張城字世連號西莊琳弟舉景泰庚午鄉試天順辛巳選

授中書舍人楊廷樸立山勤於職務嘗率同列上疏謂中

者舊前集

書職清地密近時入者非一途宜別異其陞進上然之遂

為令張氏家乘高輅張城墓志銘初城丁父喪哀毀骨立

五山者舊前集與其兄琳友愛尤篤城既官京師琳遠道來視聚

處逾月歸未抵家卒城聞訃哭幾絕商輅墓志嘗充會試經房

考官舉人戴正卒於棘闈城為具棺斂御史吳彥明卒助

貲歸其喪門生沈清早喪父館之於家俾教生徒以養母

張氏家乘彭時張城墓表成化元年簡文學士使朝鮮選

充副使賜金織一品襲衣挾畫工而東徙境則圖觸景則

詠長篇短章還即其圖而書之往來得二軸楊廷樞一城

博究羣籍為古文學班馬詩宗鮑謝字法義獻旁及軒岐

奉興縣志補卷五上

五

之書皆搜討無遺彭時墓表

張羽字鵬舉號東田父黼自有傳羽天性澹靜峭直為詩

規摩盛唐不落纖巧之習四庫全書提要登弘治丙辰進士知

涪安仁愛好教化以寬平稱良東田遺稿卷首儲洵序引

拱遭喪歸縣人尚書胡拱辰為立石起知寧海行取御史

張氏家乘張授江西道監察御史按聽墓志但云擢御史

聽伯兄墓志疏劾劉瑾罪狀疏見東田遺稿已載縣志直聲震朝廷康熙巡按雲南

所部故有銀場中官採取久為民害羽奏罷之而中官張

倫復力爭戶部尚書孫交持之竟如羽議明外史兩會地

震上疏言時弊疏見東田遺稿亦載縣志又疏論開礦及取料絲燈數

事詞意壯烈台閣偉之有中貴怙勢殃民羽痛加裁抑安

寧州為時宰故里按時宰謂楊一清其宗人犯法撻而置之於理

出知保定府保定多中貴時宰意蓋借手中傷也羽單騎

赴郡治不三月權豪斂迹母病連章乞歸日侍湯藥者二

年遂精醫理服闋起知邵武累官河南布政使藩司例積

羨充公私費羽歎曰正供且不堪況取其餘手吾三十年

之節為諧俗計邪乞休不報再疏言臣性才拙劣與時多

忤況朝廷以廉退用臣臣敢不以名節自愛家宰為請乃

許之歸張聽墓志羽歷任三十餘載略無餘財年逾七十為其

子楷采楨區分田宅猶以先世宿逋金三百有奇手書令

秦興縣志補卷五上

分償焉羽自以世承宦業清白相傳遺訓教子孫勉為孝

義云東田遺稿

張聽字鵠舉號南溪黼第六子羽弟也張聽兄東田墓志幼即穎

敏有異質往往出語奇絕驚人稍長勵志力學不以寒暑

少閒必丙夜乃罷為文根極理要恥作尋常語每構思則

對齋前古柳以指畫之既久樹膚盡裂本朝分省人物考登正德

甲戌進士授戶部主事改禮部萬曆志按萬曆志人物

皆舊志原文也武宗南巡聽上疏力爭疏見五山耆舊前集所引

詔予杖萬曆志世宗初擢禮部郎中按康熙嘉慶兩志作戶部

均誤伏闕爭大禮再予杖明史何春孟傳轉兵部郎中張璵桂萼欲

傾幸輔費宏奪其位乃屬胡士紳訐主客郎中陳九川盜

天才國貢玉饋宏製帶辭連聽下詔獄明史夏良勝傳萬潮等附傳 謫

饒平丞其地即唐之潮陽也歎曰昔韓文公以直諫貶斯

地予何幸踵其後邪隻身遠往至則創立書院選士之可

教者羣聚其中日為課業一時遠近風動負笈從游輕數

百里而至厥後以科第顯者數人遷知海鹽輕徭薄稅興

利除害民思之不忘本朝分省人物考祀名宦祠五山耆舊前集提學湖

廣頒條章飾教典務以崇尚德行釐正文體士風為之不

變其所識拔皆知名士累遷陝西參政陝人為立生祠者

三擢河南布政使先是聽兄羽嘗為是官聽既至凡一切

秦興縣志補卷五上

例規悉從謝絕一如羽之舊政洛中有一世兩清之稱士

論榮之他如酌處藩祿懾服強宗又其最著稱者遷都察

院右副都御史巡撫延綏榆林等處榆林孤懸塞外於九

邊獨稱難守聽至條上十餘事帝嘉納之著為令邊人兩

入兩捷之捷聞降勅褒獎加兵部右侍郎久之嬰疾再疏

乞休本朝分省人物考推南京戶部右侍郎未任既往王世貞奔山堂別集

卿戴角巾野服笑傲山水怡情觴詠日與二三朋舊過從

暇則課諸子弟以經史其他不復問凡族之貧不能婚葬

及鄉鄰來告匱乏者輒蠲俸餘助之不少吝惜卒年七十

七本朝分省人物考



張京元字思德別字無始按嘉慶志作字中山宮偉聽曾

孫也萬麻甲辰進士官至江西提學副使縣志按京元

節僅能重錄縣志善書法兼顏米兩家而成嘗構樓居顏曰問天

庭聞州世說有狂傲名李清三與同里朱一馮何南金號三才

子一經堂詩話

何棊字輔之號篤齋弘治壬戌進士知浦城行取御史五

者舊正德中洪鐘彭澤先後征蜀棊監其軍亂賊陳廖等

騷亂漢中為患數載棊親往賊中諭散二萬餘人調廣西

副使定犗搖之亂一經堂詩話叙功遷太僕少卿調九江副使

致仕五山耆舊前集訓兄子璿成進士政績行誼無愧古人萬麻志

泰興縣志補卷五上

何崇字愛之棊從兄正德辛未進士授禮部祠祭司主事

誠篤清勤聲望烜然尚書毛澄雅重之按張聽行狀原作

明史知轉員外郎同諸司諫南巡杖闕下者百四十人多

顛仆不能起崇獨毅然行歸私邸道路爭擁觀之出知廣

平府時乘輿數出助辦甚嚴崇曰廣平地不足當他縣之

半民力豈堪重弊某知守經以濟吾民而已請於當道難

之崇持益堅卒如崇言張聽行狀世宗即位追錄諫臣加從三

品俸以疾歸逾月卒廣平人赴弔泰興者甚眾萬麻志

張聽何公愛之行狀按狀云廣平府太守何君諱崇字

愛之世為揚郡泰興人家永豐高祖彥清讀書有大志曾

祖濟以義發粟詔旌其閭祖額質直恬遜鄉稱長者考東

臯翁少以秉禮飾行見重於鄉歲大飢推所積助縣官不

額

給例授散官階文林郎配盧氏子二人長曰林次即君君  
 童時已嶄然頭角不伍羣兒東臯公為延浙東李進士承  
 之於家塾羣族之良子弟以教之君因得與從兄弟編之  
 京兆輔之大僕林之子珊鄉進士砥礪學官師友淵源登  
 科入仕雖其世澤之長而君父子之力為多正德辛未君  
 當上春官念東臯公春秋高既戒且止翁察其意謂曰汝  
 以吾老不欲行邪汝即登第吾怡然瞑目矣君重違其意  
 乃束裝走京師舉進士東臯翁果以壽終於家聞訃日哀  
 毀幾絕亟易服南奔凡喪祭大事一於禮而不苟鄉先生  
 少宰儲文懿公誌其墓癸酉制終謁選天官授禮部祠祭  
 主事君本以誠篤而將之以清勤政務克舉聲望熒然少  
 傳三江毛公雅重之署其考上得贈東臯翁如其官妣為  
 安人尋轉膳部員外郎盡職修業視昔有加武皇帝己卯  
 春銳意南巡諸司以諫止獲罪杖闕下者百四十人鮮不  
 顛仆瀕死不能起者至十之一君獨毅然不為所苦為一  
 時道路觀者所識別茲固忠憤激烈亦其氣有以將之也  
 庚辰再考書最當道者廉其才薦守廣平為畿輔近地土  
 瘠民貧且介於河間大名之間於是乘輿往來助辦甚嚴  
 君自誓曰廣平之地不足以當所部之半而所需乃欲與  
 之等是豈民力所能堪乎某知守經以濟吾民而已他非

秦興縣志補卷五上

所恤也總其事者難之而君持益堅既而卒得如志民力  
 寬而君之力疲矣今上即位追錄先朝諫止巡游之勞加  
 從三品俸一級君受恩感激益思樹立因以致勞致疾不  
 能事事者半月而郡民已謹然若失慈母之愛即上章解  
 印綬歸雖當道勉留士民臥轍不顧也至家疾遂革鄉之  
 人士莫不嗟悼廣平士民與京師之縉紳亦莫不嗟悼君  
 性頗直遂心實良易與人不甚款曲而善善惡惡之情則  
 不以始終表裏間未第時兄子珊從受舉子業君處之過  
 於嚴師及珊領鄉薦構奇疾則撫之恩如慈父東臯翁卒  
 庶母弟果方為諸生公乃出俸資為果輸粟為太學生蓋  
 其質任不為皎皎之行而  
 事之近厚者如此下略

何南金字許卿號麗泉

五山耆舊前集

年十六補諸生縣令舒曰

敬負人倫鑒以國士待之

一經堂詩話

為古文模放六朝律詩

學杜登萬麻丁未進士後知莆田一年卒官縣人巷哭

何氏

家乘朱一馮何麗泉墓志

封源潔字一清疏益齋選貢授許州判官遷知榮澤改河陰縣濱大河北多劇盜源潔每捕鞫得情哀矜盜為感化瀕河游惰羣聚伺商船過索酒食錢米黠商以劫盜訴台省下源潔訊治皆年少無賴子笞而呼其父兄立狀領歸卒為良民甲乙兩童子相狎甲搏乙斃源潔問兩家皆一子令甲父具百金畀乙父娶婦圖再育兩家叩首服後乙父生二子以疾告歸去官日兩家各挈其子涕泣追送數百里鄭屬諸縣皆勒石建祠圖像尸祝崇祀名宦既卒有甫副數千里來哭弔者封氏按譜河南金封公益齋暨二孺人合葬墓志源潔未仕時巡按御史表其門曰孝行既歸田益勵清操敦孝誼

秦興縣志補卷五上

布衣蔬食處之澹然封氏家譜王禕登傳按此傳不載禕登百穀集

李承式字敬甫號見衡五山耆舊前集大同籍國子監明進明初士題名碑錄

有名信者官忻州同知留居雲中傳至承式始曰父英宜

南徙未行父歿承式以江都邇秦興遂家焉李維禎大泌山人集李方

伯家傳登嘉靖丙辰進士初知錢塘膺循良薦幾四十餘牘

以執法忤齷使者調深澤擊姦惡吏陳光宙遠近稱神擢

兵部武選司主事上封事八款俱得旨施行以郎中出為

陝西副使累遷福建布政使乞休致仕後惟負郭田數頃

供饘粥明農課讀足不一履城市五山耆舊前集

李植字汝培承式子五山耆舊前集大同籍國子監明進士題名碑錄萬曆丁

丑進士選庶吉士授御史時張居正卒馮保猶用事帝雅

銜居正保未有以發植劾保十二大罪明史本末並極論徐爵

與保挾詐通姦狀帝執保禁中逮爵詔獄謫保居南京盡

籍其家明史張居正傳植由是受帝知巡按畿輔請寬居正所定

百官乘驛之禁從之帝追讐居正甚以植能發其姦欲驟

貴之植會劾尚書潘季馴朋黨姦逆誣上欺君季馴生前

帝遂手詔吏部擢植太僕少卿植頗引吳中行趙用賢沈

思孝為重執政方忌用賢且心害植寵累疏劾植植求去

不許言者猶不已本傳植又負氣與閣部相構不休遂降戶

部員外郎國權未幾疏爭大峪山壽宮不及忤旨調外知綏

秦興縣志補卷五上

十一

德州旋引疾歸居十年起知沅州本傳擢光祿卿封貢議起

植疏劾首輔樞臣罪在辱國王猷定四照堂集李母王太夫人壽序巡撫遼

東植墾土積粟得田四萬畝歲獲糧萬石戶部縣志作兵部誤推

其法九邊本傳時倭棄釜山遁植請因師旋選主客銳卒驅

除宿寇恢復舊遼陽詔下總督諸臣詳議不果行明史稿又

膏力爭馬市木市之議遠帥李成梁方驕貴子孫僮僕持

斧鉞領方鎮備宿衛者十輩植劾其部曲侵牟軍實又糾

中璫高淮推遠稅殘暴狀王猷定壽序請召還不報後淮激變

委阻撓狀於植植疏辨乞休帝慰留之錦義失事巡按御

史王業弘疏劾諸將及植解官聽勘已命家居聽用竟不

罪

吉

召卒贈兵部右侍郎

本傳 按本朝分省人物考卷三十 一末有植傳今所見本前數行但載

植里貫仕履以下殘缺不可考

朱述字以賢景七世孫縣學生與戚黨戴友善約為婚姻戴卒子方孩抱人欲聘述女述曰吾有成盟於戴矣其何能寒女兄弟二述待之如兄弟其家貧衣食於述終其身

朱氏宗譜葉向高明橋朱公墓志 按此志不載向高蒼霞草及續編

朱一馮字非二以生時夢馮當世至故一字明京

庭聞州世說

述子萬麻戊戌進士歷官福建巡撫

五山耆舊前集 按朱氏宗譜載周吉閩

功摘略歷叙一馮在閩戰功甚著周文已載縣志

先是舊撫朱欽相聽總兵俞咨

臯言收海賊楊祿楊策以為用至是一馮嚴檄祿策等皆

泰興縣志補卷五上

遁去乃疏劾咨臯咨臯與閹黨吳涪夫為兒女姻以是忤

涪安不安其位

國權

遂罷職朝議咨臯罪當誅帝欲併罪一

馮閹臣錢龍錫爭之曰一馮所駐遠非棄城比乃免

明史錢龍

錫傳

縣志原無者十四人

朱嚴起建炎三年金兵犯城起率軍民拒之賴以免者甚

眾詔授保義郎閤門祇候

繫年要錄

張本真字天爵本河南張載後遭亂南渡遂居泰興鄉人

稱之曰隆興橋張氏

張氏家乘性至孝出入起居必告家

桂簡譜序

庭之閒未嘗聞有大聲始本真幼時病疫流行父亦感疾

本真憂疑失色日則延醫調治夜焚香告天求以身代遂

愈越數年父以陳言得罪於官被執本真哀訴求釋頓首

流血官為釋其父由是鄉人化之咸稱之曰張孝子張氏家乘

桂簡張君因名之隆興橋所居之坊為大孝里張氏家乘

本真家傳按簡家傳以本真父病疫為在河南時而金鏡譜序

則言本真隨其祖禰南遷考大孝里既稱在泰興之隆興

橋則鄉人咸稱之孝子云云此鄉人自當屬之泰興也

又按李兆洛養一文集樹香張君墓志云君諱燕譽先世

汴人宋南渡時孝子本真始從父遷揚州之泰

興據此亦可證孝子之父實已著籍泰興矣

明蘇寧縣志寧名以克蘇州功洪武三十五年授百戶傳

九世至國泰乾隆通

朱安七字德剛觀弟洪武末以才德薦為秦府紀善建文

時靖難師起與都御史茅大芳山東布政使鐵鉉同誓師

過之成祖即位戮諸不用命者遂縲縶以死靖江縣志

朱潤身縣志潤身名字海峯嘉靖壬戌進士授吏部考功

主事遷雲南僉事土酋鳳繼祖執張僉事以叛潤身與巡

按御史謀用間謀募死士指示方略繼祖授首告病歸江寧

縣志張起初遭寇亂與母相失起日夜悲泣行求四方三十年

遇於濟寧奉以歸乾隆一

張忠縣志忠名附字公良政弟以貢生入國子監累官工

部員外郎擢饒州知府五山耆舊前集河決滄州朝命以



天順改元城來卒業太學資裝器具悉為之備又四年城拜中書舍人兄來書慰曰中書古近侍好圖盡職勿厭清淡也歲計之資父親在部屬我尚供之汝不必慮我當力備也繼遣子黼來侍黼亦授詩從侍御姚公授游乙酉歲應天鄉試不與還侍兄於家城三十喪子先即以李子黼為後今年城四十有二兄歎曰弟無嗣吾子後之禮也然終不可無骨肉耳遂致書以禮諭城婦樂從命因擇鄉之名家女娶之自同其家人來為城置之側室室家甚宜感兄之義也國史編修楊先生為文以美之先是有書語城以無意城屢書求止兄復書曰十年不相見不勝思憶且無數心事欲言切勿再書見阻也卒以今年五月望日抵官舍相見甚歡與城兄弟交者亦皆為之動情不數日即欲南旋城懇留彌一月有非常自語曰吾不到京師二十年其間世事萬有不同此回又不知何日可再也故凡京之事物未見者必求見未食者必求食未游覽者必游覽焉城竊疑之但以其年漸高大不欲再來以此自解也七月一日治裝而南城之相厚數君子遠見於論德童先生園亭之前臨別不覺哭失聲眾客亦有泣者去齊寧州南門水次歸殯於堂痛惟兄天性孝友好施樂與直義

泰興縣志補卷五上

而不私剛方而有禮鄉人貧病者有家則為之延醫無倚則遷之於家以治之至今賴以生存者尚數人與夫學校之廢橋梁之傾神宮佛宇之壞成全完固之功居多此皆歷歷可考者然而五十有二不能無可恨者焉兄娶於潘潘賈官族生子三長黼習舉子業娶宦族蔡宗文女次黻聘於戴季黼即後城者聘於何皆名家女此等原脫三長在室次適成瑜季適李朝宗皆生員卒以成化丙戌七月二十七日距其生則永樂乙未七月二十日以次年十一月二十二日附葬家君之塋存昭穆也城恐兄之微善久而湮沒奈痛苦萬狀不能為辭謹錄其實行之概百拜泣投於太史府倘憫其哀而賜銘以藏則存歿感恩無已也

張翀縣志翀名附字鶚舉號前江黼第七子羽聽弟也張聽

兄東田以歲貢官平越衛教授五山耆博文集博文強識工詩文墓志

精書法雅為海內鉅公所推重在官訓迪多士英賢濟濟多行成名立者致仕林下日與所知為方外游以飲酒賦



詩為樂一經堂詩話

何嵩縣志嵩名附見字與瞻祖濟按縣志濟名附字伯舟

嘗發粟振飢詔旌其閭柴墟集何與東墓志又何氏家乘

繩之父頓以富民籍京師念伯兄顥無子以嵩繼之嵩既

後顥乃稱頓為叔父云嵩幼嗜問學長而力農心常念頓

白顥請北省興化高穀以鄉里故與語奇之穀時在館閣

欲薦嵩可用力辭乃已越一年頓命之歸嵩泣曰吾父與

叔父相離久若得兄弟為樂嵩請代役使吾父得弟勝得

兒矣頓歸一歲卒嵩聞訃奔歸生母呂亦卒嵩雖限服制

而哀痛甚至時都御史王竑巡撫淮揚尚書王恕方為揚

奉興縣志補卷五上

十六

州郡守皆接禮嵩他日恕行縣遂造其廬嵩由是益重於

鄉及還京師吏部姚夔薦於朝授鴻臚寺序班九年遷主

簿以父喪去職喪祭如禮兄岳巖繼卒嵩積哀成疾久益

劇謂子樟曰吾兩兄皆未葬吾不可歸汝歸代吾事比得

樟報書乃歎曰吾願畢矣既又念母孫老上疏乞歸歸半

道聞孫已卒兼程抵家疾復作竟亦不起鮑翁家藏集何君墓志銘何

氏家乘李東陽何與瞻墓表

何樟縣志樟名字繩之性孝友少侍父嵩居京師事父母

朝夕親供甘旨從父岱官指揮卒於京為治喪扶櫬歸撫

從弟楷過於同胞父廣交游往來多名公卿樟日在父側

從請教焉由是問學大進補順天府學諸生舉成化庚子鄉試授南京應天府推官勤官善決獄以簡直不為時容左遷浙江都司斷事母憂不出遂不再仕家居十年足未嘗至公門雖鄉飲亦不往何氏家乘何非兄繩之行狀按狀云曾祖母以尚義聞於朝命桂表其門叔叔方以富民應召實京師遂籍焉父與瞻為鴻臚主籍贈如兄官母張氏封太安人先自幼勤敏於學弱冠從先考司城公與峻習舉子業非髫年兼領兄教後以隨父任游京師補順天府學弟子員與大宗伯白公錢通政李公瓚同學友善相與麗澤而所積益厚鴻臚又善教交識滿朝凡士大夫過其門者往往造其樓無不留飲及夕命兄日侍於左右或問難或試文請教類無虛日人皆以魁解期之成化庚子遂領鄉薦先是泰興脫科垂四十年而惟兄得一舉於京闈人皆視之若星鳳然于考司城公不幸卒於京家累靡隨損兄治喪扶輿以歸無媿猶子不肖至今德之但禮聞累絀不果所志遂就選吏部猶惜之選補南京應天府推官兄居官勤慎有為為獄詳明於時京兆尹韓公重府丞呂公常心皆敬愛之最為巡撫都憲彭公禮所推譽而事多得辦原作辨焉弟以好修飾頗簡直為時所不容左遷為浙江都司斷事以母憂未就服終赴部時尚書李公進益嘗厚鴻臚而試教兄者相見甚歡俯從其志准休致歸家居十年足未嘗至公門雖鄉飲亦不往性孝友游國學時聞鴻臚訃數千里奔喪至襄事一如禮事母朝夕甘旨必親供卯翼弟指過於同胞正德癸酉患風疾猶與杖行二年而卒於正寢享年五十九中略非與兄為再從不意五年監軍於蜀及歸而已不逮見矣兄有德於非者恨未有以報也始述其行之大概以求立言君子而圖其不朽焉

泰興縣志補卷五上

十七

何鑿縣志鑿名見選舉表字敬軒太僕非孫也父瑯家法嚴教以義方鑿自其為諸生以至入官兢兢自守一意持法推誠感物皆出庭訓也何氏家乘張京元鑿舉萬曆癸酉舉人授處士何繼齋墓志安平知縣庠宅河壞縣城南門鑿修復之開水門培城址

增築外堤環堤植柳商鹽累民裂上言巡撫有六不便請  
仍煎鹽巡撫令如裂議他利民事甚多民祠祀之深州風土記

張達一名達善又名九達善拳棒時靖江兵敗准撫田仰  
檄朱長源原書作朱公子以應廷吉借達兵三千渡江而

來清兵放牛馬於兩石灣達率親信三十餘人登岸收之  
伏發達與三十人無一脫者江陰城守記按此即縣志

三十人也

李皜縣學生從閻應元守江陰城陷死之查繼佐魯春秋同時有

戴姓兄弟佚其名北兵入境與朱長源共起糾集灘兵抗  
命抵拒事敗就死長源不知所終長源縣學生為閻撫朱

泰興縣志補卷五上

沒一馮家產羈管社學嚴寒追比椽墮其指二戴姓死義  
後長源不知所終以上並見青燐屑按朱氏宗譜一馮第  
三子永慶字長源明縣學生員清正紅旗生員是長源已  
隸漢軍籍矣李桓者獻類徵卓行門引汪有典朱長源傳  
云朱永慶字長源大興縣諸生父之馮撫宣府殉難乙酉  
夏豫王下江南郡縣推長源起義兵敗被執隸正黃旗僦  
居宣府人妻納吾家毗陵楊掌科某死於難夫人華墮德  
姬院烏金玉以賜長源長源居之別室寓書其家人來因  
聞於王資遣之還李氏又據安陽楊氏宗譜謂楊掌科名  
兆升其妻諸夫人非華氏其為長源所拯者乃楊之側室  
姚氏以證汪傳之傳訛而汪傳之以泰興為大興朱一馮  
為朱之馮則未之糾集也長源此舉自卓然可傳因附著  
於是篇以有軼聞而章義行焉

及

泰興縣志補卷五下

國初以來見舊志者列傳

縣志原有者九人

清李開生字天中順治己丑進士選翰林改禮科給事中

李開生出關草徐乾學題 疏言朝使買女揚州小民無知

驚駭必將有嫁娶非時骨肉拆離之慘乞速收回成命詔

斥其妄捏謫戍尚陽堡 順治朝東華錄 彭紹升然買女

事自是停罷江淮南北之民陰受其福而不知也 出關草 憚格題

辭慈谿姜宸英稱開生為本朝諫臣第一 阮元廣初抵獄

猶論詩三百篇離騷漢魏升降掀髯而談無愁慘之色 出關

泰興縣志補卷五下

草徐乾學題辭 出塞時朋舊送者流涕開生慷慨就道唯言及母

夫人一失聲 施閏章愚山詩集贈 宣城施閏章餘姚嚴沈

等歌詩贈之 沈德潛國朝 國史院檢討富平朱廷璟以他

事不預祖道語及輒泣然曰吾負斯人 李因篤壽棋堂集 朱廷璟墓志 按

此志亦見錢儀吉碑傳集 凡五年卒於遷所年三十有三 一經堂世祖

追念舊臣詔開生建言原從朕躬起見許復原官歸骸骨

仍蔭一子入監讀書 東華錄 測海 耆獻類徵

李振宜字詵兮號滄葦開生弟也登順治丁亥進士知蘭

谿 楊廷樞五山 耆舊今集 時明遺老宣城沈壽民變姓名竄隱金華

山中振宜以百金餉之 王豫種竹軒文集與吳尺鳧書 按愚山詩集贈振宜詩巖穴有遺

民惠好肯折節注謂物色沈微君及魏遺杜茶村孫豹人是振宜於沈壽民外尚有魏金黃尚杜濬三原孫枝蔚事也  
歷官御史有氣略屢劾權要多所建白五山者舊今集大學士

劉正宗秉銓政專擅欺罔吏部尚書黃廷機巧飾朦混尚書馬希納侍郎岳思泰等循情袒庇振宜先後列狀糾劾

察議得實詔正宗免死革職黃廷機等懲戒有差順治朝東華錄

會編修陳志紀疏論山東巡撫周有德辭連振宜上御左

翼門親鞫未及指振宜名振宜歷階而上侃侃自陳遂得

免議碑傳集喬萊鄒給事之璜傳巡按山西鹽課彈章數十上以風節

著王豫江蘇詩微按振宜有請免揚州屬縣河工料派疏見康熙志藝文篇已載縣志好讀書百

家經史詩古文辭皆手自勘校五山者舊今集所藏宋元版書精

秦興縣志補卷五下

本及影宋鈔本書富備甲於天下廣陵詩事獻類微者

季舜有字天選亦開生弟順治丁酉鄉試副貢考授弘文

院誥勅撰文中書遷南寧同知以廉能稱復補嘉興康熙志

發姦摘伏積弊盡革所決多疑獄人奉為神明浙江嘉興府志後

嘉興士民請祀名宦祠季氏族譜嘉興士民申請狀

張茂枝字因元號芝園羽五世孫父鳴謙夢羽冠帶入室

而生生而穎異十歲能屬文性孝友嗜學宅後有小園屋

數椽兄弟誦讀其中刻勵切劘母疾長跪膝前不去及歿

哀毀骨立典鬻治喪不以累兩弟後十餘年父歿亦如之

析產以已有推為祭田康熙志藝文篇里中舊苦外幫闡

康熙志藝文篇宋生張芝園傳

夫之累歲派千餘金茂枝首議詳免人食其德五山耆初

以舉人官巢縣全椒教諭舉職有聲巡撫將薦之朝旋登

康熙丙辰進士授內閣中書宋生歷官中秘朝野推崇燕

處時左右圖史揮塵談玄有道氣見人慈愛恭敬對三尺

童子不忍欺倪匡世而其規過獎善不遺餘力五山耆舊

今獻茂枝嘗云學者讀書當實有裨於身心性命勿使人

徒以才士目之故生平詩文雖有成集不以付梓年七十

四卒宋生

張丕揚字北溟號木田茂枝子歲貢官內閣中書性孝友

祖有遺產悉推與兄五山耆舊與江都殷譽慶顧圖河交元

泰興縣志補卷五下

淮海英新城王士禎嘗於圖河座間見其詩賞歎不置廣

詩曰木田負奇氣不遇筮仕德不顯其感憤無聊侘傺不

平宜也而音響節候之閒粹然穆然非深有見於道而能

之與五山耆舊今集為序其集以為金石之聲芳蘭之韻

非撮拾長慶劍南者可比淮海英

朱人特字軼凡康熙戊午舉人五山耆舊今集詩筆幽秀迴絕恆

蹊工琴嘗月夜取琴就松樹下彈有二鶴盤空長嘯聲與

琴絃相應曲終乃去五山耆舊今集引延令獻徵錄

朱偉業字莘甫縣學生乾隆初任寶慶通判居官清約勤

於治事捕盜賊甚嚴役卒不敢少欺嘗曰詰姦禦暴通判

復

所以佐治太守也敢以偷安溺職乎政暇輒手一編危坐  
端誦未嘗見其一日曠業也湖南寶慶府志累遷鳳翔知府權漢

興道縣志

戴大章字堯聲官元城丞遷知咸寧歸隱東園以終縣志家

多藏書聊城楊以增得其宋本說文解字有綠柳橋西戴

大章印楊紹和楹書隅錄 葉昌熾藏書紀事詩

張兆璠字與號瑟若乾隆戊辰武進士廷試第一人及

第選侍衛授直君參將遷甘肅中衛副將調永昌奉命屯

田托克遜督耕種葺城垣起倉廩荒漠之間成通市累遷

南昌總兵在官十四年訓練嚴明士馬抗壯暇日與壯士

秦興縣志補卷五下

四

大夫投壺賦詩調永固疾歸張氏家乘梁國治張總兵傳

縣志原無者三人

李公琦縣志公琦名字希韓號方石選貢五山耆舊今集填詞工

麗擅名江左黃九柳七未足擬鄧漢儀詩觀初集 漢儀語縣志已載志餘篇按

談逸新城王士祿嘉善曹爾堪諸巨公在揚州皆極口以

騷雅之才推之鄧漢儀詩 觀二集

李宗孔縣志宗孔名字書雲植曾孫順治丁亥進士康熙志選

舉官給事中在台垣先後疏四十餘上皆闕吏治民生每

同九卿奏事侃侃直言於同列不少附上下阿後請假歸御書

香山洛社額以寵異之王豫種竹軒餘話 江蘇詩徵

李錦縣志選舉表字天香宗孔子康熙丙辰進士官刑科給

事中康熙志選舉表風骨傲岸遇事敢言詩有子職久疏臣職曠

捫心深愧兩蹉跎句一經堂詩話

嘉慶以來列傳

縣志原有者八人

何大年字文疆號黃村事親能養志女兄早寡憫孤幼雅

厚恤之教諸子以義方延名師授之學乾隆丙子歲役倡

捐輸振復出粟平糶有以田產來鬻者如直與之遠近稱

焉性好讀書常手一編暇則蒔花種竹招朋舊清談或棋

一局翛然塵外人也何氏家乘李惇大黃村何公傳按傳云公生而穎異喜讀書弱冠補弟

奉興縣志補卷五下

五

晴

子員人咸器重之既以親年就衰家計日繁又鮮兄弟無服勞者因循例貢成均左右奉養無少懈親素性濶達之居稍隘遠構爽塏左材鳩工為軒為樓為燠室產廊疊石蒔花供偃息以博親歡其養志也多類此有妙適黃早寡憫孤幼推令與中表同居教育之入庠授室而後歸其友愛過人遠矣自念顯揚未遂而課子尤力延師家塾必求宿儒否則出遊若江寧陳令谿仁和趙鹿泉兩先生素稱宗工千里追隨頻年不懈故能卒致有成然獨不急於仕進嘗誡子曰才貴善用所長事求有濟於世量而入無後悔汝曹才難為世用不願汝之為之惟能以學及人間習一二濟事世令鄉里稱善人足矣觀所言殆有伏波之遺風且合於老泉所謂見微而知著者歟乾隆丙子歲飢疫流行設粥賑公董事倡捐復出粟減價糶之以田產售者如直與之遠近稱善謂克繩何氏義民祖德云公面自昔容儀閒雅平生不二色不耽酒嗜音不惑於二氏巫覡雖輟舉業時手一編暇則藝蘭種菊與二三朋舊煮茗清談謝絕世垢塵氛此外永日惟以一局棋消之其襟懷之恬澹又如辛年八十四配吾妙季氏勤儉寬和與公同後先舅姑辭世公哀毀骨立恐不勝喪佐理積勞竟致疾不支猶為公煖老計納姬侍焉蓋靜好素篤故也年六



十先卒子三長汾食厚鎮貢入太學精通於醫活者甚眾  
有初在書梓行次湘登賢書四上春官不第歸而陶淑後  
進多所成就如素常嚴振先經魁潘人鳳選拔張騏人皆  
門下士活其少子少瘠多病使學引導法得健遂知正骨  
亦多全活是皆秉公教也女一適潘司鐸由庚亦籍扶掖  
力孫六曾孫六在庠者並有聲孫女十一皆適名族余公  
之內戚也故知之詳無溢辭如公之立身行己余既慕其  
孝友慈仁本諸天性而又歎其沈靜有識迥出時流宜享  
遐齡席豐盛而垂裕後昆於無窮也天道之福善豈不信哉

陳啟文字煥周號虹江乾隆己酉選貢廷試第一授工部

七品小京官乙卯學順天鄉試進主事歷員外郎郎中

陳啟

文退齋賸稿陳維彥府君行狀事有涉户工兩部者户咨至啟文以為未

允白諸堂時總理户部者方負盛勢無敢與爭啟文自以  
所見獨達户堂負盛勢者見之駭曰隔部一七品官耳敢

秦興縣志補卷五下

與吾抗是人風骨不凡也立更前議退齋賸稿王鳳藻後跋

志志餘其友武陵趙慎吟嘗謂都御史趙佑曰先生言今

人見利忘義者多如啟文者不但思義且不畏禍也佑曰

唯唯趙慎吟榆巢雜識擢開歸許道議建修修復賈魯河以睢州決

河去官既解任夜過河北渡口時教匪滋事遙望賊至或

謂君無守土責可去啟文曰賊渡則河南又擾矣乃盡逐

渡船起居民燃炬列陣而出身為之先賊遂遁巡撫河督

先後奏留辦賊防工明年議塞睢口當事欲更故道啟文

上言極論其害議遂寢陳維彥行狀起官甘肅西寧道揭參西

寧臯蘭倉庫侵匿勘實革總督職戍伊犁餘坐罪有差隆

務寺與拉布楞寺尋畔不已啟文至兩量子處分各帖然服奉令會鞠東科爾寺呈控貴德廳同知某乾沒盜贓案臬司意有徇隱啟文移書十四通條舉疑義二十餘批卻導竅反覆詰難臬司辭窮不答啟文據實揭陳總督總督護前終不直啟文議啟文兩請青海辦事大臣轉奏遂以唆使欽使擅用驛傳為罪詔下刑部遣戍烏魯木齊先是西寧令李某審理縣民誣陷西商賈爾璧一案備聽武斷啟文獨參李令罪狀並條列十二不可解六可怪朝旨以啟文素性固執特令仍留部獄勘質經部臣訊鞫得實案遂平反自總督藩臬知府以下懲罰有差李令遣戍軍台

秦興縣志補卷五下

至是啟文始得赴戍所退齋騰稿卷上卷中公牘赦歸西寧士民開

道至平番俟啟文過遮留數日乃行陳維彥啟文在西寧行狀

署吏梁廷灝者其父殺賊歿於陣母苦節啟文詢知家世

使歸讀書並周之遂補諸生啟文解官之省途次被逮廷

灝聞耗兼程及之偕宿西寺欲隨之出塞力辭乃歸及啟

文釋回廷灝先至平番候之流連旬日始別退齋騰稿與梁生書注

方簪頤二知軒文有書梁生是事亦載縣志志餘篇談逸按啟文家居十餘年猶以

沙漲蘆田入官事遺書當道為民請命云退齋騰稿上汪大司農書按

行狀中所載啟文事實其已見縣志者從略

汪秉鍾縣志附見朱毓米疏松坪冒廣生續五山耆舊集高介絕俗

好古書畫精琴理詩有陶潛嵇康風味子春田工詩善鼓

琴王諫章雅二集

姚功立縣志附見字麓橋工詩畫書法瘦勁兼通六士堪

輿家言卒於如臯道光如臯續志

陳潮字宗海號東之道光辛卯舉人生而穎異立志果銳

學必精研而後止游京師大興徐松見而重之延課其子

鉅公爭識其面由此知名當是時都下有十二才子之日

潮其一也問音韻於吳伯盍盡其蘊奧唐李陽冰篆法

晨興必作篆三百字尤精於許氏說文自二徐以及錢段

諸人之同異靡不孳究凡經史箋疏諸子百家詩古文辭

奉興縣志補卷下

八

口誦手披靡閒寒暑楊亮世澤堂文集陳東之家傳按

又以漢儒說經既重六經尤不能廢九數於是銳志算學

晝夜不輟未數月而立天元一術及朱氏四元術皆能探

其原以是耗精太過積勞成疾卒於京邸羅士琳年三

十五一作三十三又作三十四松為殯殮其友甘泉楊亮歸喪於其家

楊亮家傳

何萱字石閣歲貢家貧食苦嘗客游如臯歲入館穀悉以

購書積數千卷久之歸里屏棄舉業杜門潛學過後進必

勸之學諄諄告以讀書途徑獨愛同里陳潮引為小友潮

在京師多交通儒碩學因潮書武進李兆洛仁和龔自珍

寓

愛

邵陽魏源簡牘往還商量遠密尤精音韻之學以所撰韻史條例質於潮友吳伯孟云何萱紅露山人集

吳存義字和甫休寧籍道光戊戌進士改庶吉士授編修督學雲南滇士囿方言不能辨四聲以李氏音鑑教之歲

月改觀按縣志歲作旬是時回民煽亂存義巡試永昌事竣出郭

數里望城中火光燭天詢左右曰回兵既期矣使者清德

不敢犯侯去而舉事也累官吏部侍郎督學浙江以病乞

歸譚廷獻復堂類集吳公行狀按此狀亦見續碑傳集卒于祭葬同治朝東華錄直南書

房時文宗見所著貂裘甚敝問之對曰臣自官翰林僅此

一襲服之廿餘年上笑頷之尋賜貂服攝府丞謝恩府丞

泰興縣志補卷五下

兼典試例入卷資千金上謂曰聊償汝在滇清苦也浙省

學租歲入數千悉捐於各郡建育嬰堂全活嬰媿無算今

滇浙兩省皆建祠祀之浙祠濱西湖歲鄉舉士子醵資尸

祝者數千人許奉恩蘭茗館外史里乘

吳寶儉字禮園存義子博綜經史尤善文詩賦頌以郎中

改官同知一權荆門州事三莞推務姦豪斂迹商賈從之

如歸交督撫交章薦其廉能擢知府未竟其用而卒朱銘盤桂

之華軒文集 吳寶儉墓志

縣志原無者三人

樊昭明居邑之王莊業醫不索報貧者投以貴藥亦不明

言一日北鄉蝗大起嚙禾人爭持竹驅入他境昭明止之

曰是以鄰國為害也不可或吾鄉當被虫害耳隨禱八蜡

神蝗滅捐修明家河廟有記海曲拾遺 崇

翁棗字鋤經縣學生性伉爽為人排難解紛侃侃無阿比

俗好訟常以細故破家得棗一言而釋咸豐中粵匪蹂躪

江以南無完土陷賊者多逃江北或以為賊探被殲由秦

興各港入者好義之士厥粥絮衣噢咻之唯恐不至棗更

隨所業為謀生計務令得所江南北無不嘖嘖稱翁為善

士云龔坦饜餘 軒筆記

朱溶字月江居如臯生而穎異橐筆入京師復南游楚粵

秦興縣志補卷五下

二十餘年病歸工詩詞善書畫至老不倦同治如 臯續志

技藝

縣志原有者五人

曹岳字次岳號秋崖善山水師董其昌法疏秀淹潤峯巒

多嵐氣北游最邀聲譽秀水朱彝尊新城王士禛皆稱之

性豪邁好獎譽同學以故名益重張庚畫微錄 秦 祖永桐蔭論畫

李應召字蒲微號蘊圃彭蘊齋畫史 臯傳 振宜子 縣畫貓 引耕硯田齋筆記

得神耕硯田齋筆記張壁上鼠見之宵遁海曲拾遺 崇 川咫聞錄

李堯莖以字行號雪江應召族子善花卉翎毛長於畫貓

畫史 臯傳引馮金伯墨香居雜識 按 臯傳以堯莖為如臯人 蓋沿馮氏之誤

褚章字木田少孤不及學而獨好畫殫思至忘寢食畫多老樹巨竹珍禽奇石純用墨嘗入京有貴人客之而章性傲與爭不讓貴人恚章遂舍而歸居城北趙氏庵閉門不見一人終身不娶居數十年未嘗一至城市道光志略陳達夫邑舊族美鬚髯貌偉岸聲如洪鐘善導引工技擊以拳勇槍法聞於太乙士道九宮風骨無不精驗焦循雕菰樓集縣志原無者一人

季全仁字由禮暮年行益高精研三易貫通河洛苞符指所過墓田配列卦象言之吉凶不爽年九十三而終先是全仁自卜一地曰是應玄武之宿及下窆有騰蛇飛出崇

秦興縣志補卷五下

尺閭錄

僑寓

縣志原無者一人

清陳維崧字其年宜興人順康閒客如臯依冒襄讀書水繪庵十年嘗再至泰縣訪季振宜寓居廣福寺陳維崧湖海樓詩集方外

縣志原有者二人

梁法嚮縣志嚮作嚮附見海陵葛岡人續高僧傳年十六出家

於今廣福寺靖江志寺後有池相傳為法嚮洗鉢處縣志按縣志

及靖江志說誤依攝山栖霞寺恭禪師於寺側立法華堂

恭入京法嚮還江北海陵寧海二縣各延供養隋末居海陵天寧寺晝卧驚火發者三度知李子通兵起將破縣城燒寺也遂東還寧海縣境有虎傷害日數十人乃設禳災大齋諸虎大集以杖叩頭為說法於是相隨遠去續高僧傳與

地紀勝 將往天台過江留江陰定山寺已又還海陵鹽亭百

姓留之有小孤山出地百仞四面無草木於前立正見寺

處之按即輿地紀勝之伏虎寺亦唐貞觀四年冬謂門人

曰吾與汝別遂終於寺續高僧傳

清德溥縣志附見建置志名蹟篇字百泉一字雲慶住慶雲寺孫翔崇川詩集

詩筆清拔讀史詩以禪理出入志傳尤獨出機行淮海英靈集

泰興縣志補卷五

崇川 聞錄

縣志原無者一人

清佛齡字會昌幼學儒博涉經典年十八出家靖江永甸

庵去而歷揚州諸寺院渡江游蘇州之虎邱東至浙江謁

迦陵得傳燈真諦北抵京師名公卿多與之締交南旋仍

駐錫蘇州乾隆庚申靖人延主永甸法席靖江縣志

